

SULDAL KONTROLLUTVAL

PROTOKOLL

Onsdag 29. april 2015 blei det halde møte i Suldal kontrollutval under leing av leiar Sverre Underbakke.

MØTESTAD:	Suldal kommunehus, kommunestyresalen
MØTESTART-MØTESLUTT:	kl. 09.30 – 14.15, inkl. pause
MØTANDE MEDLEMMER:	Berit Myrland (SV), Solveig Sukka (Sp) Tormod Skeie (SV), Sverre Underbakke (H) og Vanja Ignjatic (H)
FORFALL:	Ingen
FRÅ SEKRETARIATET MØTTE:	Rådgjevar Odd Gunnar Høie, Haugaland Kontrollutvalgssekretariat IKS
FRÅ REVISJONEN MØTTE:	Revisor Tore Kristensen, Rogaland Revisjon IKS – gjekk frå under handsaming av sak 13
ANDRE SOM MØTTE:	Ass. rådmann Dagfinn Helland i sakene 9, 10 og 12, to representantar frå ei nettverksgruppe i sak 9, barnevernsleiar Brit Starheim i sak 9, kommunekasserar Arnfinn Gundersen i sak 10, elverksjef Tor Bjarne Smedsrud og økonomi- sjef Svein Losnegård i sak 11, løns- og personalsjef Tordis-Kristin Tobiassen i sak 12
MERKNADER TIL INNKALLING:	Ingen
MERKNADER TIL SAKLISTE:	Sakene blei handsama i denne rekkefylgja: 9, 12, 7, 8, 11, 10,13

FØLGJANDE SAKER BLEI HANDSAMA:

SAK 07/15 GODKJENNING AV PROTOKOLL 11.02.15

Sekretariatet si innstilling:

Protokoll frå møte i kontrollutvalet 11.02.15 blir godkjent slik han ligg føre.

Handsaming i kontrollutvalet 29.04.15:

Utvalet hadde ingen merknader til protokollen.

Samrøystes vedtak i kontrollutvalet 29.04.15:

Protokoll frå møte i kontrollutvalet 11.02.15 blir godkjent slik han ligg føre

SAK 08/15 REFERAT- OG ORIENTERINGSSAKER 29.04.15

11. Statusoversikt pr. april 2015
12. Kst vedtak 17.03.15, sak 17/15 – rapport «Plan og byggesaker»
13. Kst vedtak 17.03.15, sak 18/15 – oppfølging av «Styring av byggeprosjekt»
14. Kontrollrapport 2014 – frå Skatteetaten
15. Representantskapsmøte 22.04.15 – Interkommunalt arkiv Rogaland IKS
16. Representantskapsmøte 11.06.15 på Fitjar – Haugaland Vekst IKS
17. Representantskapsmøte 27.04.15 – Haugaland kontrollutvalgssekretariat IKS
18. Representantskapsmøte 28.04.15 - Ryfylke Miljøverk IKS
19. Representantskapsmøte 18.05.15 på Stord – Krisesenter Vest IKS
20. Årsmøte 11.06.15 - Ryfylke IKS
21. Kommunal Rapport 19.03.15 om rekneskapsresultata i landets kommunar
22. Kommunal Rapport 20.03.15 om regjeringa si oppgåvemelding

Handsaming i kontrollutvalet 29.04.15:

Sekretæren gjorde greie for referatsakene. B. Myrland fortalte kort om representantskapsmøtet i Haugaland kontrollutvalgssekretariat IKS og markering av 10-års jubileum. Sekretær delte ut «jubileumspennar». T. Skeie ønskte å få tilsendt brukarundersøkinga som sekretariatet hadde gjennomført. Utvalet hadde ingen merknader til dei andre referatsakene.

Samrøystes vedtak i kontrollutvalet 29.04.15:

Referatsakene 11- 22 blir tatt til orientering.

SAK 09/15 SAK FRÅ INNBYGGJAR - BEKYMRINGSMELDING

Sekretariatet sitt framlegg til vedtak:

Saka vert lagt fram utan framlegg til vedtak.

Handsaming i kontrollutvalet 29.04.15:

Ikkje offentleg iht. Offl. § 13 fvl. § 13.1

Utvalet vedtok å lukka møtet grunna omsynet til personvern.

To representantar frå ei nettverksgruppe orienterte og svara på spørsmål frå medlemmene. Ass. rådmann og barnevernsleiar orienterte og svara på spørsmål frå medlemmene. Tormod Skeie fremma framlegg til vedtak. Utvalet slutta seg til framlegget.

Samrøystes vedtak i kontrollutvalet 29.04.15:

Kontrollutvalet vil reint generelt ha kunnskap om konfliktområder i kommunen. Saka som ligg føre kan oppfattast som ei enkeltsak i randsona av kva kontrollutvalet skal ta fatt i. Saka er, rett nok, ei enkeltsak, men negative tolkingar av saka brer seg som ringar i eit vatn og påverkar oppfatningar til mange i kommunen, innvandrarmiljøet og dei mange som har stilt opp for å vera med på å hjelpe nye landsmenn inn som aktive deltakarar i Suldalssamfunnet. Vidare seier dei som står bak bekymringsmeldinga at dei har «generell bekymring for den måten barnevernet i Suldal arbeider på».

Utvalet meiner difor at det er rett å ikkje avvise saka, men tvert om seia seg interessert i at ein også her ser inn i korleis kommuneleiinga tolkar lover og utøver skjønn i forvaltninga.

Bekymringa står og i kontrast til dei signala utvalet meinte dei fekk gjennom revisjonen Rogaland Revisjon IKS gjorde av barnevernet i Suldal.

Noverande kontrollutval vil be påtroppande kontrollutval ta ein ny revisjon av barnevern-området.

Utvalet vil be rådmannen ta ei ny gjennomgang av saka. Rådmannen vert og beden om å aktivt arbeida for eit betre tilhøve mellom innvandarmiljøet og kommuneorganisasjonen.

SAK 10/15 SULDAL KOMMUNE – UTTALE TIL ÅRSREKNESKAPEN FOR 2014

Sekretariatet sitt framlegg til vedtak:

Kontrollutvalet i Suldal vedtek uttale til kommunerekneskapen for 2014 slik den ligg føre / med desse endringane/ tilleggga.....

Handsaming i kontrollutvalet 29.04.15:

Ass. rådmann orienterte om årsmeldinga. Han gjorde mellom anna greie for at kommunen ligg høgt på kommunebarometeret sine målingar og lågt sjukefråvær. Kommunekasseraren gjorde greie for inntektene, driftsutgiftene, investeringane og balansen. Revisjonen sine påpeikingar i årsoppgjersnotat blei punktvis forklart og gjort greie for. Revisor peika på at det var gjort ei endring i det endelege årsoppgjersnotatet. Medlemmene fekk svar på spørsmål.

Samrøystes vedtak i kontrollutvalet 29.04.15:

Kontrollutvalet i Suldal vedtek uttale til kommunerekneskapen for 2014 slik den ligg føre:

Suldal kommune sin årsrekneskap for 2014 er gjort opp med eit rekneskapsmessig mindreforbruk/overskott på 2,95 millionar kroner.

Kontrollutvalet har merka seg at rekneskapen viser eit positivt netto driftsresultat med 44,2 millionar kroner (reelt 47,5 mill. i fylgje revisor), og at delar av dette er nytta til avsettingar.

Under tilvising til utvalet sin eigen gjennomgang av dokumenta og revisjonsmeldinga, meiner kontrollutvalet at årsrekneskapen totalt sett gjer eit forsvarleg uttrykk for resultatet av kommunen si verksemd for 2014 og for kommunen si økonomiske stode pr. 31.12.14.

Ut over dette har kontrollutvalet ingen andre merknader til Suldal kommune sin rekneskap anna enn det som går fram av revisor sitt årsoppgjersnotat og revisjonsmeldinga.

SAK 11/15 SULDAL ELVERK KF – UTTALE TIL ÅRSREKNESKAPEN FOR 2014

Sekretariatet sitt framlegg til vedtak:

Kontrollutvalet i Suldal har ingen/fylgjande kommentarar til særrekneskapen til Suldal Elverk KF 2014 og vedtek uttalen slik den ligg føre / med desse endringane/ med desse tilleggga.

Handsaming i kontrollutvalet 29.04.15:

Elverksjefen og økonomisjefen gjorde greie for rekneskapen. Det var eit godt resultat i 2014 med ei overskot på 11,2 millionar. Dei gjorde greie for at det at vore store utskiftingar av tilsette i leiinga, men at nye folk no var på plass. Vidare orienterte dei om nøkkeltal, pensjonskostnader, strømpriser, elsertifikat, mm. Revisor hadde peika på at det var vanskeleg å telja/verdisetja varelageret. Elverksjefen opplyste at det no var tilsett ein person som hadde lageransvar og vona at dette ville betre forholda.

Revisor orienterte om deira arbeid. Revisjonen hadde avdekka nokre forhold som ikkje var heilt i orden. Dette var selskapet blitt gjort kjent med. Utvalet fekk svar på spørsmål.

Samrøystes vedtak i kontrollutvalet 29.04.15:

Kontrollutvalet i Suldal har ingen kommentarar til særreknescapen til Suldal Elverk KF 2014 og vedtek uttalen slik den ligg føre:

Kontrollutvalet har merka seg at Suldal Elverk KF sin rekneskap for 2014 viser eit årsresultat på 11,2 mill. kr.

Under tilvising til utvalet si eigen gjennomgang av dokumenta og revisjonsmeldinga, meiner kontrollutvalet at årsreknescapen totalt sett gjer eit forsvarleg uttykk for resultatet av føretaket sin verksemd for 2014 og for føretaket si økonomiske stode pr. 31.12.14.

Kontrollutvalet i Suldal har ingen merknader til Suldal Elverk sin særreknescap ut over det som går fram av revisor sitt årsoppgjørnotat og revisjonsmeldinga. Revisor tar atterhald i revisjonsmeldinga når det gjeld verdien på det balanseførte varelageret og at ordinært resultat kan derfor være feilrapportert.

**SAK 12/15 OPPFØLGING AV FORVALTNINGSREVISJONSRAPPORT
- ARBEIDSGJEVARPOLITIKK**

Sekretariatet sitt framlegg til vedtak:

Suldal kommunestyre tek rådmannen si tilbakemelding om oppfølging av forvaltningsrevisjonsrapport om «Arbeidsgjevarpolitikk» til orientering.

Melding om oppfølging sendes kommunestyret til orientering.

Handsaming i kontrollutvalet 29.04.15:

Personalsjefen orienterte om deira arbeid med oppfølging av rapporten. Ho viste til notatet som var vedlagt saka og delte ut heftet «Plan for å behalde og rekruttere – med strategiar for Suldal kommune» frå november 2014. Medlemmene fekk svar på spørsmål og utvalet var nøgd med administrasjonen sitt arbeid.

Samrøystes vedtak i kontrollutvalet 29.04.15:

Suldal kontrollutval tek rådmannen si tilbakemelding om oppfølging av forvaltningsrevisjonsrapport om «Arbeidsgjevarpolitikk» til orientering.

Melding om oppfølging sendes kommunestyret til orientering.

SAK 13/15 REVISJONSORDNING FRÅ 2016 – EIGENREGI ELLER KJØP AV TENESTER

Sekretariatet sitt framlegg til vedtak:

Alternativ I

Kontrollutvalet ber sekretariatet sette i gang arbeidet med å få lagt ut anbod for kjøp av revisjonstenester i Doffin.no og TED-basen før sommaren 2015 og sak om val av ny revisor for perioden 2016-2020 vert lagt fram hausten 2015.

Kontrollutvalsleiar får fullmakt til å godkjenne endeleg konkurransegrunnlag.

Saka vert sendt kommunestyret til orientering.

eller

Alternativ II

Suldal kommunestyre ønskjer å inngå som eigar/deltakar i interkommunalt samarbeid om revisjonstenester. Kommunen søker om deltaking i Rogaland Revisjon IKS og bli ein del av eigarkommunane så snart det lar seg praktisk løysa. Selskapet blir dermed kommunen sin faste revisor.

Handsaming i kontrollutvalet 29.04.15:

Leiar innleia om bakgrunn for saka. Han meinte Suldal kommune burde gå inn som eigar/deltakar i Rogaland Revisjon, og dermed sikra at kommunen har eit revisjonsselskap over lengre tid.

Utvalet drøfta saka, og peika mellom anna på at det er viktig med kontinuitet og lokal kjennskap. Utvalet meinte at pris ikkje skulle vektas så høgt som 70 % i ein eventuell anbodskonkurranse. Pris burde maksimalt vektast med 50 %.

Tormod Skeie fremma framlegg til vedtak. Utvalet slutta seg til framlegget.

Samrøystes vedtak i kontrollutvalet 29.04.15:

Kontrollutvalet i Suldal vil tilrå det som i sak 13/15 vert kalla Alternativ II, nemleg vedta å gå inn som eigar i Rogaland Revisjon IKS. Dersom Suldal kommunestyre ikkje vil løysa revisjonsoppgåva på slik måte, skal kontrollutvalssekretariatet straks setta i gang arbeidet med å tilretteleggja for innhenting av anbod på kjøp av revisortenester slik det går fram av Alternativ I i saka.

Leiar av kontrollutvalet får fullmakt til å godkjenna endeleg konkurransegrunnlag dersom avgjerda vert at kommunestyret ikkje vil gå inn som eigar i Rogaland Revisjon IKS.

Saka vert sendt kommunestyret for avgjerd.

Samrøystes innstilling i kontrollutvalet 29.04.15 til kommunestyret:

Suldal kommunestyre ønskjer å inngå som eigar/deltakar i interkommunalt samarbeid om revisjonstenester.

Kommunen søker om deltaking i Rogaland Revisjon IKS og bli ein del av eigarkommunane så snart det lar seg praktisk løysa. Selskapet blir dermed kommunen sin faste revisor.

YMSE

Ingen saker blei meldt.

Neste møte: 10.06.15, kl. 09.30

Sand/Aksdal, 29.04.15

Sverre Underbakke
Leiar



Odd Gunnar Høie
Kontrollutvalssekretær